

欽定石渠寶笈續編

欽定石渠寶笈續編

第三十四

重華宮藏十一

本朝臣工書畫三

蔣溥絡緯圖一軸

〔本幅〕宣德歲本縱二尺九寸橫一尺三寸五分設色畫梅花天竺枝上絡緯一草坡絡緯

四恭錄

御製詠絡緯有序

宵分三五。貌光欲上屏間。席布再重。蛩韻俄聞。  
座右。蓋暖蒸冬。窈昭蘇樂共。唐花斯生。放春籠。  
揚。詠歡同蟄羽。或云流傳勝國。宴會常陳。遂教  
沁用百年。煨燠有法。假云物禁非時。正恐情存  
立異。爰就曲宴。敷衲之會。漫成拈題。扣鉢之詞。  
顧語諸臣。繼賡斯詠。從此訂羸秦之月令。不少  
遺牋。且將徵荆楚之歲時。能無續記。翊翊蠅  
蠅。鼓翼鳴秋。蟲應節作春聲。化資青陸。氤氲發。

響映銀蟾詠蕩明謙論還因思召父佳詞得未  
就歐生熙朝供奉百年例欲罷翻虞近取名附

蔣溥恭跋

絡緙秋森向例於溫室中泰養至春正月十  
六日

賜晏於國明園正大光明殿鼓樂既奏音響四作  
特命正德臣劉統勳正泰惠田正開泰正劉統各

密製於庭上先成獨切春候秋露臣等所作並為  
賦詩一首未及片刻

浮泛不能細帖特物猶之丹鳳和鳴百蟲失  
聲臣退而繪圖敬錄

御製一章以誌盛典  
臣蔣溥鈐印二臣蔣溥染

睿吟

春候秋燕入陽和不遺峭寒侵定逢西極崇朝挽先聽

風七月奇鼓翅依然歲葉日調笙無異隔牆

御筵

正值祈農後微物還傳紡織心正將漕鈴印

二同前

聖顏回春候欲瞻香霽霏微浮翠籠

玉音朗徹注詞源天工人巧時能早解入

心通道亦存廣座華鏗輒達韻似聞歌馬解花言

德洽陽春萬物歸鈴印玉階聲徹響秋蟲殷殷似解

勤民意切切猶思聖婦功養共唐花資室暖詩傳

俗報年豐

天家湛露沾何極鉅細犀駢竝育中且秦蔥

印一且秦蔥

秋日嘗聞絳綈何期鼓翼向春鳴蜂房靜  
蟄寒猶峭。驚古微調意已驚。應足跋行知。

聖化早先東作報西成。  
殿廷繪出豳風景。燕喜良辰恒。

膏情臣間奏鈴印二臣開春染翰。

之燕何事以鳴秋。暖入春棚韻自流。風怯試。

銓徐憲宰日遲候。伏龍綢繆一壺歲月中。

官貯四座笙簧。法曲酬共仰。

元工能幹運尋常。郊雅可圖不臣劉綸鈴印一敬。

書。

鑑歲寶璽八璽

董邦達畫田盤勝槩一冊

本幅金粟牋本推蓬式十八幅每幅縱八寸二分橫一尺七寸首二幅

御筆行書

靜寄山莊十六景記 塞外之山岡巒渾靈堂  
阜連延以雄峻勝塞內之山峯巖峭拔蕪義則  
劣以奇秀勝造物之靈有獨鍾南北之分鮮兼  
美也而惟田盤自太行而來塞垣依此以築故

介在南北之間。無收雄秀之粹。卓為造物奧區。  
焉。乾隆壬戌。黃緣達一遊。自是山川之美。不能  
悉置。然朝往暮歸。僕從侍御之臣。不免於勞。乃  
發內帑。建山莊於山之陽。買地繚垣。據景構舍。  
高因迴。有僻以幽。探蓀續木。施亭臺間。出園之  
內。得景八園之外。標舊蹟。與諸寺復得景八合。  
為山莊十六景。而名之曰靜寄。夫靜者。山之體。  
其寄於天地也。恒得常焉。人生而靜。則靜亦人。



之體也。而恒不得其常者。則其寄蓋不如山也。  
余之以是取名。其亦所以自警也。若夫山莊之  
辨。則法

皇祖避暑山莊之例。第其去京師較避暑近十之五。  
為幅員較避暑僅十之三。尚樸素。屏文繡。適可  
而止。容膝亦安。守舊規而勉親承讀。是記者尚  
知吾繩

武之意。而所重固不在卷阿之遊歌也歟。

乾隆丁卯仲春月望前二日鈴寶五乾隆稽古  
右文之章意在筆先。攜筆流雲藻後八幅。邦達  
水墨界畫十六景。一靜寄山莊。二太古雲嵐。  
三層巖飛翠。四清虛玉宇。五鏡圓常照。六衆  
音松吹。七四面芙蓉。八貞觀遺踪。九天成寺。  
十萬松寺。十一舞劍臺。十二盤谷寺。十三雲  
罩寺。十四紫蓋峯。十五千相寺。十六浮石舫。  
款臣董邦達恭繪鈴印二臣邦達

御筆分題

秀木千章陰。疏峯四面羅。經營成不日。伴與詠  
卷阿。添繪無須亟。林泉豈在多。肯堂遵

祖儉色養奉

慈和繞砌栽。紅藥開畦灌。玉禾萬畝歸。靜寄隔歲一  
相過。窓納田盤萬景全。宜人暮靄復朝烟。臨  
虛標秀琴書潤。因適為高坐卧便。適可成圖添  
粉本。偶然得句勒崖巖。批黃稍暇無餘事。靜讀

鶴林玉露篇

夏屋枕崇林霏互吞吐餘無

無不佳是惟最佳所雲起樹中間泉分山四字  
蒼蔚鮮定容變幻乃爾許俯仰接諸天時時落  
花雨地切清虛安玉真羗峯孤迥若為鄰行  
來禹步何常慣却是遊仙天半人戶有白雲  
封庭餘古樹濃何須參寶積藉以繡山容瑞相  
標圓月禪心定毒龍招提隨望是互答六時鐘  
伏流飛瀑渾無定此獨松間匪小池已覺地

琴清越矣更無天籟始終之忘機徐聽韻盈耳  
得意閒兔綠睂眉正是八音繁會處高山何必  
待鍾期芙蓉朵朵標銀漢恰似香鑪日照明  
千古名山以人重田盤匡俗兩先生巨石當  
其根苔泉灑清泚遺蹟傳楷模在彼不在此  
憶我初度遊上盤問津原自天成寺是時秋老  
變山容霜楓古柏紛丹翠坐我江山一覽閣成  
詩聊寄烟霞意雲罩萬松高絕處慮不勝寒迴

六轡從茲結習鎮相縈頻年便道輒停蹤攀躋  
涉歷既經慣幽者畢探遠者至得愈多愈不忍  
置更虞奔走勞執事因之卜築擇佳勝雕斲不  
施敦簡易朝往暮歸樂無窮得路安能忘所自  
繫余惕若廟廊者豈宜耽適山林致田疇大隱  
倘可招勤政咨諏共圖治蒼翠復清臞仙山  
別一區誰知圓覺佛也愛老成儒以石為胎古  
因風泛籟紆此間來亦屢興會幾番殊澗看

玉室抽泉是霜鋒。泮秋風。驕然鳴。想見英雄。概  
繚谷一盤一曲。精舍三間。五間。翠雨飛時。林  
靜。白雲開處。僧還暫遊。宛探月窟。到此可破天  
慳。珍重韓愈李愿。曾否烟磴躋攀。山雲罩寺  
寺生雲。形色誰能與判分。恰似拈花便微笑。說  
無說處。不聞聞。鼇柱千秋。鎮太寧。諸峯拱伏  
儼來庭。疇人試問。應難測。華蓋垣中。第幾星。  
何來龍象侶。說法禮山神。即景欣幽託。隨緣悟。

靜因門迎松落落。路轉石磷磷。千相卽非相。誰  
容辨假真。孤撐不繫幾千秋。雲海波瀾任拍  
浮。學士小哉。惟識畫將軍。往者漫稱樓。武陵舍  
處。今溪口。靈鷲飛來古渡頭。放眼縱看天以外。  
覆杯何異芥為舟。靜寄山莊十六景之作。丁  
卯嘉平月。御筆。每幅分鈐寶。乾隆宸翰。樂天得  
佳趣。幾暇怡情。垂露中和大塊。假我以文章。如  
如會心不遠。德充符禮園書圖。以人為鑑。浴德。



比德朗潤絜矩幾暇怡情乾隆幾暇臨池

鑑藏寶璽

全

董邦達畫山水一冊

本幅宣紙本十二幅縱三寸橫三寸六分第一  
一三九。十水墨餘設色畫一泉山寒木二春  
山桃柳三溪岸漁樵四朱竹五疎林山屋六  
松山塔寺七夏木山居八松澗村橋九竹樹  
孤亭十江天風雨遠帆飛泊十一寒山水閣  
雪意初晴十二青山白雲衆木交蔭款臣董  
邦達鈐印一臣達

鑑藏寶璽

八  
金璽

董邦達仿黃公望溪山佳趣一卷

本幅宣紙本縱一尺二寸橫一丈五尺七寸  
三分淺設色畫紅樹青林亭橋邨落勢豁山  
佳趣八分臣董邦達恭仿黃公望筆意鈐印  
二臣達

鑑藏寶璽

八璽

董邦達仿曹知白雲壑仙廬一卷

本幅宣紙本縱七寸五分橫七尺九寸水墨  
畫松徑林廬山橋策杖款雲壑仙廬八分恭  
仿曹知白筆意臣董邦達鈐印二臣達

鑑藏寶璽

金璽

董邦達仿宋迪瀟湘秋晚一卷

本幅宣紙本縱一尺七寸五分橫二丈四尺  
四寸淺設色畫高峯遠岸旅店僧廬巖關泊  
棹蘆際鴈棲款瀟湘秋晚八分臣董邦達恭  
仿宋迪筆意鈐印二臣邦達印恭畫

鑒藏寶璽

八璽

董邦達秋樹江村圖一卷

本幅宣紙本縱五寸五分橫二尺八寸五分  
水墨畫崇岡迴互江樹遠帆款臣董邦達敬  
寫鈐印二臣達

鑒藏寶璽

全

董邦達畫靜宜園二十八景一軸

本幅綾本縱六尺一寸五分橫四尺八寸設

色畫香山靜宜園全景各標題八分芙蓉坪

重翠岫香霧窟森玉笏絢秋林隔雲鐘栖月

崖玉華岫玉乳泉來青軒啖霜舉香山寺蟾

蜍峯晞陽阿雨香館綠雲舫香品室霞標磴

纓絡巖知樂濠聽法松麗謁樓虛朗齋樓雲

樓馴鹿坡翠微亭青未了勤政殿款臣董邦



達恭繪鈐印二臣邦達印敬繪

鑑藏寶璽

八璽

董邦達松風竹韻圖 一軸

本幅宣德牋本。縱六寸七分。橫三寸三分。淺設色。畫山溪松竹亭館數處。款。臣董邦達。鈐印一達。

御題行書

森意復滿楹。映帶層巒複。絕頂有孤亭。可以騁遙目。御題鈐寶一。含輝。

鑑藏寶璽

含璽

董邦達摹李成茂林遠岫一卷

本幅宣紙本。縱一尺四寸，橫四尺五寸。水墨畫崑崙山寺樹柵，驢網水間，參差谿邊放艇。款：臣董邦達奉。

勅恭摹李成茂林遠岫筆意。八分鈐印二。臣邦達御題行書。

古人絕材不可量。吟咏之餘精繪事。在唐王杜。宋米蘇。爾家思白曾標幟。當其神來奪化工。豈

可形肖求纖尙。其次閻吳及李荆元氏。大家厥  
有四。各工其事。遂造精要。以氣韻為之師。此圖  
粉本出營邱真蹟。曾編能品類。慘澹經營。或過  
之。乃知畫法首貴意。崇山峻嶺。何穹窿。崖枝澗  
葉相薈蔚。水閣開牕。到虛清。浮圖倚寺。凌空際。  
別有飛流走白龍。下經石瀨。珠璣碎。荒村略約。  
更絕勝。源中尚有秦人避。溟溟濛濛。堆濕潤。裝  
潢觸手。虞霑漬。我從山水窟中來。愛此猶然看。

不置求之古者原有契還慮後者難為繼續縹  
金鐫得所宜秋月春風永相寄 乾隆丁卯九  
秋既望五日御題鈐寶四徵觀會心不遠德充  
符乾隆宸翰

鑒藏寶璽

金璽

五福五代堂古稀天子寶八徵耄

念之寶出有同春筆花春雨

董邦達畫秋林平遠一軸

本幅宣德牋本縱五尺七寸五分橫三尺水  
墨畫山水平林舟梁村舍款秋林平遠八分

臣董邦達敬繪鈴印二臣邦達

御題行書

疎林噪歸鴉遠峯銜落照平溪渺煙靄千里歸  
一眺板橋接茅店歷歷皆詩料是地豈富春誰  
弄巖公釣御題鈴寶三妙意寫清快乾隆宸

翰吟詠春風裏

玉池

御筆 空水相澄鮮 鈴寶一 乾隆御筆

鑑藏寶璽

八重  
舍

董邦達畫山水一軸

本幅宣紙本。縱二尺。橫二尺一寸。水墨畫兩山夾五。樛曲喬林。水閣中有人獨坐。溪邊短篷間。樣款。臣董邦達敬繪。鈐印二。臣邦達。

御題行書

山盟蘊藉谷含虛。宜有幽人賦遂初。林戶霏烟真入畫。水亭消夏合觀書。底須叢桂方稱隱。取適扁舟詎為漁。我是先憂不同道。每因心賞契。



潛居御題鈴寶二乾隆

鑑藏寶璽

全璽

董邦達畫寒巖重瀑一軸

本幅宣德牋本縱一尺一寸。橫一尺五寸三分。水墨畫山間瀑布。禿樹枯蘆。款臣董邦達恭繪。鈐印二。臣邦達。

鑑藏寶璽

全八璽

董邦達畫謝惠連雪賦一軸

本幅宣紙本縱六尺一寸橫二尺九寸五分

淺設色畫雪中園林臺榭授牘作賦景款巨

董邦達敬繪書八分鈐印三臣邦達內廷供奉

御筆行書謝惠連雪賦見乾清宮所藏御書謝惠連雪賦卷

乾隆十一年丙寅長至後四日御筆鈐印四乾

隆幾暇臨池研露

鑒藏寶璽  
五福五代堂古稀天子寶  
陶冶性

靈

董邦達江關行旅圖 一軸

本幅宣德牋本。縱七尺一寸。橫二尺二寸。淺設色。畫高山陡棧。江流湍急。下有旅舟茅店。款臣董邦達恭繪。書八分。鈐印二。邦達內廷供奉。

鑑藏寶璽

內府書畫之寶。研露游六藝圖。

董邦達松陰高士圖一軸

本幅宣德牋本縱七寸橫五寸二分水墨畫  
一人坐松下童子捧卷前立款臣董邦達恭  
繪鈐印二臣邦達

御筆如松鈐寶一乾隆宸翰

鑑藏寶璽

金璽

董邦達畫松濤泉韻一軸

本幅宣紙本縱三尺六寸五分橫一尺六寸八分水墨畫喬松六株前山瀑落款松濤泉韻臣董邦達恭繪鈐印二臣邦達印染翰

鑒藏寶璽

八  
頭

董邦達畫萬橫香雪一軸

本幅宣德牋本縱六寸七分橫三寸三分淺設色畫夾岸梅花一人間凭水閣款臣董邦達鈐印二臣達

御題行書

山榭水之渼萬玉春風豪虛閣遊賊者非林合姓高御題鈐寶一幾暇怡情

鑑藏寶璽

金璽



張若靄仿明季各家朱竹書畫

一卷

本幅宣紙本縱六寸五分橫二丈七尺四寸  
仿明季五家畫朱竹并款識題咏第一段仿  
孫克宏竹三叢窠石三首有張伯雨玉印五  
字款克宏篆書并題誰把珊瑚寫作竿東華香  
玉慶雲蟠赤虬騰踏鉞鱗鬣朱鳥竊飛振羽  
翰漢幟千人投趙璧周郎一炬走曹瞞觀君  
顏面知心素已許丹衷借我看戊寅初夏念

六日雪居克宏作於蒼雪菴又識予往見朱  
太史家藏宋仲溫草書筆法道媚勁健如怒  
猊駭獸之勢真可謂之神品卷中作朱竹二  
三竿但世無朱竹理然常考諸名筆如蘓長  
公柯丹邱亦曾作此蓋興到為之不計其有  
無耳猶王摩詰之雪蕉是也茲值春雨留連  
山齋孤坐偶檢篋中得舊紙戲作數枝并系  
以詩然其瀟湘變幻之態球琳琅玕之狀未

能盡發其元妙。難免刻鵠類鶩之誚也。漫書以博一笑。又識管夫人喜寫朱竹。楊廉夫贈以歌行。載集中。或云自壽亭侯始。壬寅冬再書。時年七十有一。更較目力何如。雪居宏第二段仿張忠雅竹掩映石際。并識世稱梅道人寫竹。真得瀟湘雅趣。奇枝偉幹。古今珍之。余從漢陽公游上都。暨金陵楚湘間有年矣。漢陽公善寫生。求之者無虛日。余甚苦之。

嘗謂曰何不寫竹因搆得梅道人譜公餘即  
摹寫之不數年起出塵外蓋其天姿英敏妙  
臻三昧故爾戊寅夏邀余過蒼雪菴出眎朱  
竹卷兼諸名筆爛然奪目宛在朝霞落照中  
也因倣荒臺叢篠爰綴諸尾吳門張忠識前  
有荒臺叢篠四字篆書雪居士篆又識戊寅夏  
四月既望吳子泛舟同弟仲房遊於小橫山  
赤壁之陰蕭然無可覽結惟亂篠倚荒臺雜

出然光景澹寂一似太古自謂模寫未能每  
與神往而張君王陽春杪步漢陽君作朱竹  
宛然此景余竊謂景物與人心默會有如是  
者亦奇矣哉漫紀一絕揭棹曾從赤壁回意  
中蘂篠雜荒臺如何此景君能會襯入芸窓  
筆底來如菴吳中英 第三段仿孫克宏竹  
一叢倚太湖石畔款孟夏作於聽雨軒篆書  
第四段仿宋旭兩峯對峙竹二叢夾澗相映

并識。遠方珍怪之物。世莫不有。珊瑚樹既赤  
矣。又安知無朱竹耶。昔坡老主場屋。案不設  
墨。故於興至。不覺技癢。遂染朱作竹。為游戲  
三昧。後世因其人品而倣之。今雪居太守風  
流格韻。不減古人。故草草運筆。便自不凡。嘗  
作朱竹卷。俾僑輩倣而為效。顰之戲。顧我癡  
拙。徒失故態耳。一笑。萬歷己卯初冬。楊李宋  
旭識。

第五段仿莫是龍石壁下瘦竹二叢

與石相間并題醉日移來醉眼看

五月十三日古稱竹

嘶紫鸞丹鳳忽生翰却疑一夜蒼梧雨淺澹  
英皇血液殘孫漢陽索予寫朱竹小景并系  
一絕莫是龍第六段仿莫是龍竹二竿間  
以綠石并識余覽異書凡天壤間草木珍奇  
靡可殫述今人以耳目所及欲槩造化之理  
皆妄也前輩言朱竹始於關壽亭不知何昉  
坡公亦效為之然戴凱之謂沅澧間有赤白

二竹白薄而曲赤厚而直。今亦不知有白寧  
必其無赤耶。孫漢陽游戲丹青。寫得一卷。而  
復命予為之。聊書此以當一笑。戊寅清和既  
望。莫雲卿廷韓甫前有題識。朱鳳翔。蓮好羽  
翰。滄溟鐵網赤琅玕。他年身在青霞闕。手把  
歲蕤絳節看。朱竹始於米南宮。後世作者接  
迹。政如九辨七發。徒貽嚼蠟之諍。國朝王祕  
書。稍稱合作。然猶未能出藍。漢陽君此作。較



然絕塵。若孫伯符少年時英達風成。而吾廷  
韓驂驔自喜。便欲破轅而前矣。王穉登書  
第七段仿孫克宏。磁盆中植英石。傍以稚竹  
數十竿。款珊瑚枝。篆戊寅初夏十一日。作于  
蒼雪菴。前識。孫漢陽瀟灑出塵。齋居多竹。王  
子猷之癖也。問寫朱竹。豈亦蘓長公偶興耶。  
意興所及。隨色揮毫。何問其為朱也。自我作  
古。誰謂必效長公也。此君於是又幻一形矣。

張允孝題又題施朱誰為此君開金谷珊瑚  
海底材丹鳳羣栖看不見喑喑聲自紫霞來  
甲辰季冬蒲陽江騰鯉題又識人云畫莫難  
於作竹謂其勁節蕭疎未易相肖况朱竹尤  
非習見不直曰畫難犬已也漢陽君慕蘇長  
公作朱竹出已見倣之命筆輒佳夏日手此  
示余宛若丹霄鳳尾昔與可善畫竹長公贊  
其身與竹化而與可嘗云惟子瞻識得此妙

處子瞻作朱竹而漢陽君一似之又識得子  
瞻之妙矣。千古寥寥獨傳其意可不謂神歟。  
清癯子吳中英識。第八段仿孫克宏陂陀  
疊石雜以竹數竿款孟夏望前二日作于秋  
琳閣前識。戊寅中夏念五日訪漢陽公秋琳  
閣出手筆朱竹卷見示予懷東坡丹邱輩嘗  
戲作此誠奇致也。今復觀茲嗣美殊快心目。  
况是辰適值太夫人設帨張筵遂即席掇成。

小句以助贊觴一噓染就瀟湘鸞鳳影赤城

霞色照君臺天公擬授長生錄故遣仙人絳

節來郭郡葉崑

書八分

後跋節按清和偶過雪

居館出示朱竹一卷初似文湖州蘇長公至

尾石愈古筆蒼絕似董馬以上誠今世王孫

所罕覩者矣樞識又跋孫漢陽守文簡公家

範博雅好古海內賢士大夫爭與交筆底龍

蛇落在人間如鳳毛麟甲靡不珍愛所繪朱

竹各極幻態而清風高節爛然盈卷東坡諸  
先生豈能相后先耶余昨自楚來見瀟湘流  
澤迄今有餘思則漢陽之賢不徒染翰而已  
戊寅初冬澹然居士適晤吳門此地固多作  
者挈社登藍田見夜光則璫璣自失矣余媿  
非法眼識者以為何如嘉禾會泉子王倖漫  
書 第九段仿丁雲鵬平坡石罅列植修竹  
款。朱竹始作起於蘓長公後至柯丹邱宋仲

溫嘉其不事繩墨。任情興所適。以此往往追  
仿其意。然寫不過一枝數葉。亦易窮其意也。  
漢陽郡守孫先生。高邁豪爽。磊磊不羣。遊心  
翰墨。博極古今。每有製作。便超出前輩時鑒。  
賞家珍之。為鳳羽麟甲。故非凡物耳。近寫朱  
竹數竿。出示於余。余目之。若丹鳳欲冲霄漢。  
珊瑚初出澄波。爛爛煥煥。輝光奪目。假使蘇  
柯諸君生。當斂衽遠避。何況近代作者耶。余

不自量亦寫數枝附於卷末。隣女效顰旁觀者見哂耳。丁雲鵬第十段仿周之冕奇石孤峙旁倚瘦竹四五竿。款漢陽君還自滿湘游戲丹青點染朱竹數莖。江南諸名勝因之爛焉成卷。其飛燕姊妹紅玉相輝耶。湘君湘夫人血淚淋漓耶。不佞無能奪艷聊且效顰。亦猶向石家金谷珊瑚林開寶色耳。戊寅十月既望周之冕識。第十一段仿侯懋功峯

石枯木間以晴竹。教戊寅九月寫侯懋功并  
跋。驚有朱。魚有朱。鸚鵡有朱。禽魚中猶習見  
之。何怪也。天壤之大。安知草木中不有朱竹。  
耶。借曰不有。吾傳竹之神。寄吾之興。朱耶墨  
耶。何不可者。又跋山西無竹。看認竹。竹不真。  
脩然山澤古君子。忽作少年如華人。想應血  
雨滿湘渚。洗去琅玕碧如許。翠華莫覩一寬  
旌。淚洒紅冰啼二女。口脂香容原脫一字未老。望入



霞光九疑小。鷓鴣聲暗綠烟消。丹窠朝陽鳴  
鳳鳥。爾不知此外。雖異心恒。賴虛顏訴向誰  
人道。楊孟載據此作不類。寫竹實有紅竹矣。  
楊基字孟載。與高季迪。張來儀。徐幼文。國初  
稱為四傑。俱吳人。萬歷甲午清和日。雪居士  
孫克宏書於敦復堂。書八分第十二段仿璩  
之璞。拳石旁稚竹數竿。款淇園丹鳳飛來。幾  
時留得參差翼。蕭聲吹斷彩雲。忽墮碧雲猶

隔想是湘靈淚彈多變血痕多積看蕭疎瘦  
影卷簾欲動應是落花狼籍莫道清高也俗  
再相逢子猷還惜此君未老歲寒猶有少年  
顏色誰把珊瑚和烟換去琅玕千尺細看來  
不是天工却是那春風筆此高太史朱竹詞  
也暇日為漢陽孫侯誦此詞遂令之璞錄之  
卷尾之璞亦復點筆作小枝於右方夫朱竹  
始自蘇學士典試俄頃之興而石室先生亦

互作之。至元則梅華和尚倪迂輩皆彷彿以傳勝果。我明則惟姚雲東一人耳。後寥寥不聞數十年所矣。孫侯崛起士紳往往戲游染翰必起三昧。今海內丹青家皆知望風避舍不復以藝校量於孫侯之庭而不佞效顰及此。豈亦所謂持勺水獻河伯者耶。漫述如此。歲戊寅余月九日。又識。戊寅仲夏。廣陵柳安獲觀。卷前別幅。金粟牋錄跋四則。跋朱竹

卷 孫漢陽君筆端三昧。幻出朱竹。蕭散有  
高韻。卷中士戲筆和之者一二輩。暇日就兒  
展翫。惟恐收去。君自謂世無朱竹。漫援前人  
名勝作始者實之。不知大化中色肖何者。非  
幻苟心與象會。則作者自命何暇步邯鄲也。  
自適園退叟陸樹聲跋。後跋。雪居士高  
懷出俗。用朱筆寫竹。奕奕有勝致。一時傳賞。  
予謂此君貞姿勁節。兀傲霜雪。乃復借春風。

顏色耶。直游戲耳。觀者倘畧其神韻。較朱墨  
形似也。是惡可與論天下之馬哉。三跋。  
梅道人墨竹入妙。雪居士用朱筆追仿之。吐  
吐奪真。如淮陰侯拔趙幟。立漢赤幟。孫子借  
宮人行兵法。驃騎將軍用偏師出奇取勝也。  
孫漢陽朱竹卷。予賞愛不置。卷中凡三跋。  
昔歐陽率更見索靖碑。三宿其下。信人之嗜  
好。有如此者。陸樹聲與吉甫同觀孫漢陽所

摹宋人朱竹亦翩翩濁世佳公子也陸公既  
三跋是卷山人無復贊一詞而漢陽固強且  
開聽雨齋設玉筆寶硯清僮雅歌林香佐茗  
恍聆朱竹之聲琅玕爛然可治其風骨便試  
灑翰一題卷端時庚辰之夏五月也終南山  
人王逢年書八分末款臣張若靄恭摹本鈐印  
一臣靄并恭識

內府所藏各家朱竹卷紙本高六寸七分廣二

丈五尺八寸。竹計十二段。有俯有仰。有枯幹。有新梢。有修枝。有叢筍。或迴陂。或拳石。或層巒。煙水。或峭壁。峭崿。或貯松蘿。或倚高柳。石則青者。墨者。赭者。沒骨者。盡態極妍。各出其相。是卷始於孫克宏。作竹六則。題句一跋。識六書。雜正隸。署克宏雪居款。凡三。聽雨軒秋琳閣。敦復堂款。各一。蒼雪菴款。二。皆克宏自記也。卷中題者。吳中著張忠王。稱登張乞孝。

江騰鯉。葉崐。張樞。王儔。輩。研丹瀝墨。與漢陽  
爭驅者。宋旭。莫是龍。丁雲鵬。周之冕。侯懋功。  
璩之璩。六人。陸樹聲。王逢。年。跋於前。廣陵柳  
客。記於後。文采爛然。各競所長。亦復不讓。琪  
圃珊瑚矣。乾隆丙寅初夏。臣 霽奉

勅臨此卷。智短腕弱。安得比駕驂騑羣耶。然遭逢  
稽古右文之盛。天下文章光輝鳳苞。豈僅如前明  
區區翰墨之流輩已也。臣若竊拜手敬識於



直廬鈴印二。臣若霽載筆西清。卷中分鈴印清。  
河張子蘊真閣書畫記。

御音儒臣文筆學書賢於他好。若霽晴嵐雪邊人。  
臣霽思君十二時。蘊真閣圖書張若霽印。紗  
帷畫暖墨華香。讀古臺古香可人。與我周旋  
可傳。蘊真主人。若霽印。

御賜飛鳥晴嵐張子鍊雪爐煙當畫引揮毫。真率  
餘事初學之筆。濠梁之上。清真晚桐。

御賜小方壺晴窗樂潛內廷供奉牙籤時帶書  
香半舫欣于所遇揮豪釀花客書畫禪小三  
昧張氏子印蘊真閣只可自怡不薄今人愛  
古人若需圖書虛舟人生一樂

鑒藏寶璽

金

乾隆御賞之寶內府圖書之寶

張若靄雪浪石圖 一軸

本幅宣德牋本縱五尺五寸九分橫二尺九寸八分淡設色畫蘇軾雪浪石

御題行書

造物精氣視所屯石中巨擘雪浪尊巍然曾見  
宋冠帶介爾不受世朝昏沃之以水跳珠沫翠  
影彷彿浣花村曾聞此語半疑信惜哉未訪荒  
園門寫真無慮道士醉醉裏越得傳神覓詞臣

頗善米家畫。渲染綠緣命。探天根。壁張欲出雲烟  
氣。燭照曾無筆墨痕。兩孫絕技亦已擅。興來擬  
喚髯翁論。此翁詩句。豈易和。如繼陽春。以叩盆  
前言未足。更疊韻。仇池事例。今聊存。丙寅初  
冬。西巡返轡。過定州。命張若靄圖雪浪石。即用  
東坡元韻。鈴寶三。惟精惟一。乾隆宸翰。莊敬日  
強。

丙戌春直隸督臣方觀承獲蘇東坡雪浪石並  
其故以聞請移置苑囿予曰否否東坡之石宜  
置之東坡之雪浪齋此何有焉然每過定州齋  
與石非不屢形之歌貌之圖而今出所謂雪浪  
者真偽果孰是哉則稱今所出者乃所謂真稽  
其故蓋自康熙初年有臨城令宋廣業者自定  
州移此石於彼建亭鑿池詩酒其間而有中山  
一片石之句其後亭圯石仆鞠為茂草衛一人

或以爲馬廐阜棧而繫馬於此石。馬輒咆哮躑躅不敢遺溲。斲草。否則駿騷病以斃。人異之。今牧趙州李文耀者聞其事。乃親詣臨城掘土。別皆沃之以水。而石之上宛露雪浪二篆。題因告之方伯。是可信矣。夫可信在是。其不可信即在。是何言之。東坡之石宜以東坡之詩爲準。東坡之詩一則曰。楊梅城下作飛石。一礮驚落天驕兒。一則曰。異哉礮石雪浪翻。以詩質之。則向置

定州者。甄屯磊磊。有礮石之用焉。若今之片石。高且盈丈。其不可為礮石。而非真益明矣。既考墨莊漫錄。稱東坡帥中山。得黑石白朮。如蜀孫位。孫知微所畫石間奔流云云。則茲得之臨城者。又實似之。而向之定州所置者。實不似焉。夫東坡去今六百餘年。風流太守一時遣興。搗辭。即瓦礫可為珠玉。而必爭是非真偽於此時。是不大可笑哉。且也可移之中山而去。即可移之。

臨城而來。又安知他日不可復移之中山而去哉。然則向之形之歌貌之圖者。為均誤耶。曰不誤也。形之歌貌之圖者。自在東坡之雪浪石。而不在礪石片石之間也。是不可起東坡。並向承子命圖中山雪浪石之張若靄而一問之矣。臣于敏中奉

敕敬書鈴印二。臣于敏中依光日月。  
御製雪浪石後記。



丙寅始見雪浪石。無字。圖且歌之。越二十年丙戌再見有字者。亦圖且記之。迄未定其真贋也。又越二十六年壬子西巡過中山。摩挲兩石。作而曰。天下有定者質也。無定者文也。而古人動以金石文字為可據。以為可據而文之。即懼人以為不可據。而亦文之。岫嶠之字。延陵之碑。峯山之刻石。尚可輾轉傳摹。況區區六百餘年之兩篆哉。若夫是礧礧。黠屯者。其質也。有事以為

礪石無事以為盆石亦以誌幸也文可造質不可變固宜定以無字者為真有字者為贗也即唐以易定為巨鎮制河北賊宋以中山為北府備遼幸而礪石不用文人坐鎮流達歌詠之若今以瀚海之石為砌基聞河之玉為包匪尚何有於此礪然硯然者豈不以其時哉既訂以識並書之兩圖此盆既有蘇詩應以為真臣董誥奉

勅敬書鈐印二品誥附張若靄摹蘇軾雪浪齋銘

并和章于敏中恭書

御製雪浪石記跋

雪浪齋銘 畫水之變蜀兩孫與不傳者歸  
九原異哉 暇石雪浪翻石中乃有此理存玉  
井芙蓉丈八盆伏流飛空激其根東坡作銘  
豈多言 四月辛酉紹聖元 古今畫水惟作  
平遠細皴獨蜀孫位孫知微畫活水盡其變  
態 臣張若靄恭摹蘇軾真蹟鈐印二臣靄師  
古之人 一勺之水於茲屯一卷之石於焉尊石之佳  
者宜闕色皎潔欲謝塵埃昏遙知得此等和  
璧梅花不憶淮南村立齋勒銘殊好事當時

醉客填園門。瘕人李牛公弗取。益令後世銷吟。竟幾魯坡嗜。並米瘡仇池。難割蒼崖根。相如家山在靈綵。較此或富波濤。痕自從灑翰。成古調。徒令二石相同。論荒林下馬土沒跡。汲泉愛看珠跳盆。物因人壽理則然。正如魯殿靈光存。臣張若靄恭和并圖。鈐印。一臣靄御製雪浪石記。因方觀承所得臨城片石而作也。二物之孰為中山舊物。固難深考。伏讀聖記。謂形之歌貌之圖者。自在東坡之雪浪石。而不在礮石片石之間。則二物之是非真偽。無庸復辨。且均不朽矣。既今張若澄往繪其狀。以歸與其兄若靄舊圖。並藏物書記於兩幀間。載筆之榮。奚啻卷石之附塵岱嶽哉。臣于敏中敬書并識。鈐印。二臣敏中敬書。

鑒黃寶璽

金 通

五福五代堂古稀天子寶

嘉慶十有六年辛未閏三月十七日。

駐蹕定州衆春園。

御製雪浪石讚。

兩間秀靈。蘊成竒石。浪花疊青。雪光漾白。體結  
貞堅。紋浮潤澤。盆刻芙蓉。永年託跡。宋代名臣。  
事著史策。厯幾滄桑。存此完璧。瑤闕流輝。明河  
貫脈。媧皇鍊餘。下土棄擲。顯晦因時。行齋題額。

感觸生雲。式敷甘露。後來置前。高逾尋尺。真幻  
漫論。稽古有獲。嘉慶辛未閏三月中旬。御筆。  
鈐寶二。嘉慶。

鑒藏寶璽。嘉慶御覽之寶。

張若靄畫鎮海寺雪景

一軸

本幅宣德箋本。縱四尺。橫二尺。設色畫寺宇五層。崇山周遭。畧約橫溪。瑤林積素。

御題行書

藍田生玉有波濤。古幹擎龍染鬚髭。好是天公傳粉本。從教呵凍一揮毫。路遙昨過禪虛叩。泥濘今來礪未登。多謝山靈不相惱。却將全體露銀棱。煨芋烟霏香積厨。山僧消受合清臞。

詩禪契處參形色。不可圖中如是圖。臺麓迴  
鑾。經鎮海寺。積雪在林凹。峯露宇天然。畫意因  
命侍臣寫之。並題斷句三首。乾隆丙寅初冬御  
筆。鈴寶二。乾隆附若霽恭和詩。

銀海光中湧翠濤。一龕青髻兩垂髫。玉龍昨  
夜來聽法。不遣纖塵點白毫。蒲雲天驥踏凌  
兢。指點香臺近可登。驚起禪枝雙怖錦。刷殘  
瓊屑落寒棱。千巖飛雪灑行厨。人與霜松一  
樣肥。幸覩拈花妙諦。好從蒼筤寫新圖。臣  
張若霽敬和并繪鈴印二。臣霽師古之人。

鑒歲寶璽

全璽



于敏中書武成紀實十冊

本幅宣紙本十冊縱四寸橫五寸五分楷書

平定準回兩部

御製詩有關兵事者二百六十篇俱見詩初二集御製

殿武石刻第一冊十九葉甲戌乙亥

詩四十五首第二冊二十三葉丙子

詩三十二首第三冊十三葉丁丑

詩十八首第四冊十三葉戊寅正月至七月

詩八首第五冊十三葉戊寅七月至十二月。

詩二十六首第六冊十七葉己卯正月至七月。

詩三十一首第七冊十六葉己卯七月至十二月。

詩二十四首第八冊十三葉庚辰正月至三月。

詩三十四首第九冊十五葉庚辰三月至十月。

詩二十三首第十冊八葉辛巳正月。

詩八首末敏中恭跋。

西師既蒞事  
詔圖功臣像於紫光閣。

命將作因舊址葺新之。復規其後為武成殿。曲廊周環。屬於閣焉。

上親製五十功臣贊書。而藏諸閣中。又揭御製告成太學碑。及開惑論於殿間壁。且繪諸戰

鴻庸大文。以識事實。廊列珉石三十有三。

敕臣敏中。編次御製詩篇之有闕。西師者。恭繕而鐫之石。臣承

命授簡。既悚且懼。繼手敬誦。數四謹自甲戌。受降迄今。閣成燕落。計共錄詩二百六十篇。上而

吳蒼之眷佑。繼

光烈而觀揚。以至合萬方送喜之詞。為

歡之。有下而憫勞民恤勤事。澤敷遠戍。膏洽邊氓。款來者推以誠輸。悃者孚乃惠大之。則紀捷銘

功獻因受職。榮勲班爵。如勞飲旌。諸典具舉。  
細之則識名駒於遠道。書琅器之歸作。獲軍  
實而橐藏。通國府以無式。莫不有以辨物上  
之宜而脩與國之要。若夫賞罰明信。無思不  
服。此師旅所以集事也。決其幾先。萬里指掌。  
此天人所協應也。而要之皆本。  
皇上敬勝之一念基之。故夫法官問夜。虎帳求衣。  
當軍書旁午之際。  
睿慮計出萬全。不踰晷刻。凡臣工所未及。窺民庶  
所無從見者。悉流露於披吟藻咏間。則敬睹  
庶石載誦。  
宸章而以五年之間。闢地二萬餘里。舉非常之事。  
天之所以助順與我。  
皇之所以承。  
天者。於是乎見。知臣書石既竟。謹就副本。彙為十

乙覽冊。知繼手敬繕上呈。

冊府琬琰。與少仲愚臣願書萬本之。惘忱云爾。臣于敏中敬書并恭跋鈴印二臣敏中敬書。

鑒藏寶璽

全

表曰脩書

御製生夏詩一卷

本幅宣紙本縱八寸四分橫五尺四寸三分  
行楷書

御製生夏二十首仍用元微之生春詩韻

有序

選舊題於長慶翻新亦既先秋踵正格於生春  
充類何妨及夏對時興詠矧長養之當宣即事  
成吟信清和之可愛爾其律調中呂序肇南訛

時膏已渥於青疇。德畧方昭於丹陸。驗景風而  
施爵。翹秀將成。時當壬辰會稽育庶物以平衡。租庸遍  
復。普免天下正供時則七舉秩而涼冠始御。五  
明闕而輕蓋初張。

大禴吉蠲令協含桃之薦

常雩恪展候占秀麥之登。階前則紅藥翻晴。圃裏則  
碧蔬浥露。踈簾卷。穀綠樹鶯來。小簟涵漪。青荷  
魚戲。疇結制龍之坐。還薰香水以明因。或陳詐

馬之延。若舞旂風。以從俗。撫炎節。而洪纖疏。列  
寧殊韶景。蕭晨怡永日。而次第評量。仍此依聲。  
備什詩以言志。期元琯之循環。念惟在民。應薰  
絃之解阜。若云具體宜全四氣。斯則績賡有待。  
三餘。何處生夏早。夏生平秋中。璣旋四月節。  
竿相舉。巽方風。

天德空牢憲。日行南陸馳。測辰晝方永。漏報挈壺叢。

何處生夏早。夏生換季中。

每歲三月禮臣奏請換戴涼帽日期。



或以十五或以廿五捲簷皮去暖冬帽哆口葛

含風夏帽晴雨還殊製夏帽常用以紅緯為飾

用袍衫雅稱融朝章弗相襲遵守摺紳叢禮不

人問問之間何處生夏早夏生

禴祭中朔辰脩孟祀

太室敬薰風遵豆犧牲進衣冠禮樂融為榮傳有事

仕版者執事駁命得叨榮展敬潢衍薦椒叢

何處生夏早夏生簾箔中易擅知去冷代竹

為延風似水漪紋澹遮曦晃影融獨憐認巢燕  
窺煞碧筠叢何處生夏早夏生

霄祭中見龍因請雨樂凱已歌風

青幕苾芬薦絳霄煙燎融庶幾膏澤惠瞻望葉雲叢

何處生夏早夏生新綠中清和方應候

按沈德潛

別裁集舉張衡賦及謝靈運詩以為清和當屬三月後人謂四月為清和失猶字義云云然猶

雖訓如亦訓尚且謝眺白居易蔥蒨始舒風繞華皆屬之四月固不必拘泥也

屋都無異連林若有融後凋殊衆者祇看柏松

叢。何處生夏早。夏生菜園中。王瓜生澗露。苦

菜秀猗風。縱架垂垂好。堆盤款款融。寒酸有真

味。莫問食單業。何處生夏早。夏生鶯語中。侯

寒遲北地。江以南鶯鳴以二月始聞鶯。鳴試藉南

風。色以金衣艷。聲諧玉管融。戴顓饒幸事。兩度

覓芳叢。何處生夏早。夏生浴佛中。有緣澄性

海。無始暢宗風。德水本清淨。戒香自妙融。如來

汎來去。底事此僧叢。何處生夏早。夏生試扇

中辰時輕蔽日。搖際自來風。題詠性情託畫圖。

景物融五明。逞奇說誣聖。闕辭叢。明昔人率以五

自爲余謂武王始作筭。舜時安得有扇。蓋扇本

門扉。若禮所謂闔扇。在豹本闔四門之意。變其

辭爲五明。後世遂以華器之何處生夏早。夏

事誣聖。妄矣。近曾爲說正之。生麥浪中。掛帆誰泛海。拖穀自宜風。候冀青黃

接香開餅餌融。老農凝望眼。日在綠波叢。何

處生夏早。夏生紅藥中。本殊草與木。芍藥。草本

木本。後出。亦謂之木芍藥。南方二三月即開。北

方四月乃開。芍藥則五月乃盛開。亦有四月開

者花麗日和風分埒榮非如當階意欲融元暉  
點筆際翻影正連叢何處生夏早夏生櫻

薦中藉申殷宰訥寧學漢家風籠貯青絲夥盤堆赤

玉融奚稱文館醺歡聚侍臣叢何處生夏早

夏生魚躍中暴腮爭逐浪魚以首夏交合北壯相逐啣腮以孽其尾

故尸子有暴腮龍門之說蓋其時正當首夏成  
匹之時耳上則為龍已屬荒謬後人遂訓為曝  
者更失之遠矣孽尾慣衝風或如鱗鬐鼓相交  
意氣融鯢鯢旋去浮散脈脈復叢叢何處生

夏早夏生荷葉中。田田纔解鋪水貼。貼未搖風。  
錢似黃無染。玉如青有融。待開初日朵。莫忘泛  
波叢。何處生夏早。夏生黃繖中。團張蔽炎熱。  
斜颺受涼風。葵擬傾陽好。竹支得陰聲。融如將  
警捧。日可喚瑞雲叢。何處生夏早。夏生廟會  
中。元君傳聖誕。五頂盛靈風。都人崇奉碧霞元君隨方立廟稱為  
五頂俗以四月十八為元君誕日各立香會集  
廟中飾華雜伎雖不免過奢以從俗宜亦弗禁  
也臺閣肩行簇幢旂扛戲融道民貴因俗難概

禁繁叢 何處生夏早夏生結制中經行罷僧

脚默坐究禪風動植傷胥惜鐘魚寂總駟安居

毒龍伏慧草任成叢 何處生夏早夏生毳幕

中殺牛非禱祭詐馬述先風北漢三月馬始生

人少飼之即執駒別繫於長繩其名下格至四月初成於

盧中插柳祈福以當新於是為詐柳插歡心決

馬之宴蓋蒙古舊俗最所重也 潼成醉面融應憐駒未飽綆繫泣枯叢 何處

生夏早夏生翠簾中含涼似鋪雪卻暑欲翻風

麗覺紅藤侈滑欣白薤融挾牋聊遣興未足儼  
吟叢鈴印五臣曰脩敬書激潏接紙附設色畫

詩意夏景圖并恭跋

皇上萬生夏詩二十首我  
如鍊金鑄就惟杜甫五言詠物或可當之豈  
止壓倒元白已哉臣與在廷諸臣論詩謂再  
讀杜詩則覺蘇詩淺薄每讀  
御製則臣等拜服愧汗弗克成詠如此詩臣常思  
握管庸朽乃智盡能索意之所到而筆不能  
隨筆所欲趨而意不能副欲求一字一句之  
九宵之上其層階疊起相去寒遠固未可以道里



由句計也。顧書萬本。讀萬遍。既敬錄於前。又屬繪事者成圖於後。時乾隆壬辰三伏日。臣裘曰脩稽首并跋。鈐印四。臣裘曰脩敬書。

鑒藏寶璽

全八璽

錢維城畫四氣含和二冊

本幅宣紙本上下冊各十二幅縱八寸五分  
橫一尺一寸五分上冊設色畫一梅花二山  
茶三杏花四海棠五梨花六牡丹七楸花八  
薔薇九萱花十水慈姑花十一石榴花十二  
金絲桃下冊一翦秋羅二秋海棠三紫萼花  
四藍雀花五木芙蓉六桂花七雞冠花八僧  
帽花九水荳蔻花十月李花十一水仙十二蠟

梅每冊末幅。款臣錢維城恭畫。鈐印二。臣維城敬畫。

御筆分題行書

曼陀羅傲不周風。百種無妨品命同。雪壓一枝  
獨立處。胎仙露出頂頭紅。如梅雖曰欠其香。  
結子應驕味倍儻。一種自知堪勝者。枝頭葉嫩  
襯花囊。花譜曾開品語詳。初臘脂久似殘粧。  
菟枯自是循環理。萬卉誰能追此場。碧霞稱

體輕裁翦不作殷紅與淡緋。應妬月明難辨。李  
一般也。學素裝衣。榮在羣芳逮謝時。謂云好  
禮亦相宜。濂溪道學開闢洛對。豈能無富貴之  
楸。花原不入花譜。白瓣紅鬚也。自奇。最是夏  
初春末放。多逢望雨皺眉時。深沈庭院暮春  
時。粲粲柔葩。嫩嫩枝。買笑莫迷一味笑。其間有  
刺亦應思。根同百合異花枝。誰與名花冒虎  
皮。履尾者如樹之背。其憂想未易忘之。十莖

十二實攢之。逢閏還看增一為。莫訝神奇具水  
草。春榮秋謝物咸知。安石榴開不怨遲。朱明  
相映正南枝。問他底事如含笑。應是淮肥報捷  
時。五出花擎幾縷絲。弗霞之乃見金之。要之  
顏色及形像。都是無端幻所為。冊右上四時都  
有翦羅名。謂是宜秋非謬情。試看火流暑退候。  
披來稱體受風輕。芳譜何須名姓徵。春姿都  
許到秋能。長生殿角逢七夕。密意深情覺不勝。

名則相同色乃殊尋常也得玉簪呼晚來風  
下如含怨輸却幽情與白乎青色為鸞紅色  
鳳芳艷惟是到秋開漢宮七夕翩然者應是信  
傳王母來 傍嶼臨溪照影痕似憐君子謝無  
存芙蓉寧以木之末豈必楚騷盡寓言 是粟  
因誰喚作花為金揀不藉披沙人間安得傳其  
種應識廣寒自有家 秋花取象號雞冠果見  
昂昂絳幘擲一例齊風殊美剌為君可識信其

難。朶似優婆尼帽。國折開接翼。露雙鸞。摩登  
伽語阿難者。別體拈花示衆看。亞波搖動鯉  
魚風。荷浦香消落。莫紅似以碎珊。綴長帶。掃他  
芳意付秋空。枝頭四季放其春。權奪女夷舊  
繼新。冷語謂宜瘦客聽。那能不太癡精神。丰  
姿未肯倩他憐。照影獨臨秋水邊。試讀陳思洛  
神賦。其餘比擬。聚應拊。侔色雖殊名却同。稜  
稜臘雪潤香風。司花巧有權衡在。以此始還以

此終 癸卯清和御題每幅分鈐寶乾隆宸翰  
中心止水靜大塊假我以文章秀色入牕虛抑  
齋幾暇臨池見天心已有同春用筆在心追琢  
其章齊物業雲掬水月在手中和半榻琴書墨  
雲人情為田妙意寫清快絮矩愛竹學心虛如  
水如鏡筆端造化保泰寫心落花滿地皆文章  
垂露體仁寓意於物研露水月兩澄明衆花勝  
處松千尺古稀天子之寶猶日孜孜



鑒藏寶璽

金

道

錢維城漁浦朝烟圖 一卷

本幅宣紙本縱四寸橫一丈二尺四寸五分  
水墨畫溪山雲樹村舍帆檣款漁浦朝烟  
臣錢維城敬畫鈐印二維城

鑒藏寶璽

全八璽

錢維城畫江村秋霽圖

一卷

本幅宣紙本。縱七寸七分。橫四尺二寸。設色  
畫秋山紅樹。霽景澄波。款。江村秋霽。臣錢維  
城恭畫。鈐印二。臣錢維城敬事。

御題行書

雲欲斂。猶戀深谷。天惟淡。故淨長空。江村底識  
新秋景。喬樹纔看幾點紅。丁亥秋七月御題  
鈐寶二。幾暇臨池。得佳趣。

鑑藏寶璽

全八璽

錢維城江村秋霽圖 一卷

本幅宣紙本縱四寸橫一丈二尺一寸六分

淺設色畫山溪林木江村寺閣帆檣隱見款

江村秋霽 八分書 臣錢維城敬畫鈐印一臣錢

維城

鑒藏寶璽 八璽

錢維城畫雪浪石

一卷

本幅宣紙本。縱九寸。橫六尺一寸。水墨畫二石。標曰舊貯雪浪石。曰新得雪浪石。恭錄

御製雪浪石記

見本處所藏張若靄畫雪浪石卷

并恭跋考證之

學期於精詳。神而明之。要在參互。若乃因言見道。即物窮理。不著迹象。自然宏通。斯則俯視羣言。咸尊制作。我

皇上多能天縱。富有日新。發輝

天文涵括萬品。無體不備。無美不臻。茲宋臣蘇軾  
雪浪石先後出。大吏以狀陳。

皇上幾餘考鏡。

攄翰為記。尺幅之中。灝氣流轉。千變萬化。不可端倪。所謂絳雲在霄。舒卷自如者。又不足以盡之矣。鄭樵之考校石經。歐陽之論辨石鼓。夫安足云。臣忝侍

禁廷。

景星慶雲先覩為幸。不勝欽仰恭錄。

聖製本文并敬繪二石於慎端以識緣起。臣錢維  
城恭跋鈐印二。臣錢維城染翰。

引首

御筆 超以象外 鈐寶一。五福五代堂古稀天  
子寶。

鑒藏寶璽

八璽金

乾隆御覽之寶。八徵耄念之寶。



錢維城畫牡丹二十四種 一卷

本幅宣紙本。縱一尺二寸三分。橫一丈一尺八寸。設色畫各色牡丹。祥雲紅。慶天香。紫絲桃。茜袍紅。鷺兒黃。佛頭青。鹿胎紅。銀紅。毬禁院黃。紫重樓。一捻紅。萬卷書。水晶毬。歐碧華。金線紅。海雲紅。金繫腰。玉兔香。舞青猊。卿雲黃。朝天子。瑪瑙盤。紅樓子。醉仙桃。款牡丹。二十四種。臣錢維城恭繪。鈐印二。臣錢維城染。

翰

鑒藏寶璽

八璽  
翁

錢維城四序同春圖

一卷

本幅宣紙本。縱一尺二寸五分。橫一丈九尺一寸。設色畫四時花卉四十八種。款四序同春圖。臣錢維城恭畫。鈐印二。臣錢維城。染翰。

鑒藏寶璽

八璽

錢維城畫塞圍四景 一卷

本幅宣紙本四段俱縱九寸八分橫五尺六寸四分淺設色畫木蘭圍場山水每幅各標地名。一鄂爾楚克哈達。二岳樂。三庫庫英圖。四僧機圖。款臣錢維城恭繪。鈐印二。臣錢維城敬事。

鑒藏寶璽

八  
至

錢維城畫塞山雪景

一卷

本幅宣紙本。縱一尺。橫八尺二寸。淺設色畫。  
塞上雪景。山林款。塞山雪景。臣錢維城恭繪。  
鈐印一。臣錢維城。

鑑藏寶璽

八璽

錢維城畫

御製觀打魚歌詩意

一軸

本幅宣紙本。縱二尺五寸五分。橫三尺三寸五分。淺設色畫石湖漁景。款臣錢維城恭畫。

鈐印二。臣城。

御製觀打魚歌。

江鄉本以漁為業。烟水衝寒。應不怯。而我行時。欲物熙人。跼魚斃。非所悅。施罟連網。圍周遭。大

魚掉尾小魚跳烹炰充俎供一噉寧如噓浪聽  
逍遙木蘭每歲秋圍即他他藉藉曾弗惜何慈  
於魚弗慈鹿春秋溫肅殊南北湖魚寧實繁如  
斯我惟務實命罷之悠然而逝誠逝矣懷哉里  
革與臧僖乾隆丁丑春南巡至吳中地方大  
吏於石湖備觀打魚因事已成畧觀即罷之而  
作是歌臣汪由敦敬書鈐印二臣由敦解人間  
書

鑒藏寶璽

八里  
舍



錢維城三友圖 一軸

本幅宣紙本。縱八尺二寸。橫四尺一寸。水墨  
畫立石旁松竹梅。款。臣錢維城恭畫。鈐印二。  
臣錢維城筆。霑春雨。

鑒藏寶璽

八璽

錢維城畫山水

一軸

本幅素綾本。縱三尺七寸六分。橫三尺三寸。  
淺設色。畫溪山晚景。丹閣聳雲。草堂蔭樾。歸  
鴉投林。征帆待泊。流水野橋。橫舟過其下。款  
臣錢維城鈐印二。臣錢維城筆。霑春雨。

鑒藏寶璽

八璽  
金

錢維城雪浦歸帆圖

一軸

本幅宣紙本。縱三尺五寸七分。橫二尺。淺設色。畫層巒積素。遠水空濛。一舟天際歸來。款  
臣錢維城恭畫。鈐印二。臣錢維城。染翰。

鑒藏寶璽

八里

錢維城畫溪亭秋色

一軸

本幅宣紙本。縱二尺五寸。橫一尺二寸五分。  
水墨畫溪岸秋林。小亭如笠。遠峯垂瀑。樓隱  
松雲。款溪亭秋色。臣錢維城恭畫。鈐印二。臣  
錢維城敬事。

御題行書。

笠亭四柱曉秋新。樹有風情山有神。懷抱正如  
天共遠。獨思宋玉。彼何人。癸酉夏月。御題。鈐

寶二。乾隆

鑒藏寶璽

八里

錢維城畫山水

一軸

本幅宣紙本。縱四尺五分。橫二尺一寸五分。  
水墨畫溪山雲樹。茅屋連楹。款。臣錢維城恭  
畫。鈐印二。臣錢維城筆。沾恩雨。

臨藏寶璽

八璽

張若澄畫雪浪石 一軸

本幅宣德牋本。縱五尺七寸。橫二尺八寸。水墨畫盆中雪浪石。石上飛白篆雪浪二字。款

臣張若澄奉

勅敬臨。鈐印二。臣張若澄朝朝染翰。

御題行書。

若霽昔圖石。謂已傳其神。今復雪浪出。難喚泉  
下人。其故見長記。茲弗更贅言。然不可無圖。若

澄其繼昆。況匪嘉陵遙。來往數朝昏。宛然片石  
峯。水活蜀兩孫。元方與季方。孰假又孰真。坡翁  
笑軒渠。總非意所存。命張若澄圖雪浪石詩  
以誌事。丙戌暮春月中澣。御筆鈐寶三。乾隆吟  
咏春風裏。于敏中董誥敬書。

御製二記。

文俱見前。惟後記末二句作此。蓋  
乃墨吏補為者。命斥去。應以為厲。歟。印

俱同前。

鑒藏寶璽

八璽

五福五代堂古稀天子寶。



張若澄畫鎮海寺雪景 一軸

本幅素綾本。縱三尺六寸八分。橫一尺七寸八分。設色畫山水中翠樾紅牆。映帶積素。欸鎮海寺雪景。臣張若澄奉

勅恭繪。鈐印二。若澄

御題行書。

寺景宜遙看。到寺無多奇。却見遙看處。紛然畫景披。予因是絜矩。萬事皆如茲。動而世為道。言

行法則垂此言往者然。至若生同時。遠則有望耳。不厭更近之。偶此道中庸。釋典何卽離。閑黎粥飯罐。奚足語以斯。可惜占福地。盡屬黃與緇。憶我前度來。迴鑒駐道陲。彼時亦逢雪。瑞葉紛歲蕤。翠柏紅牆間。寒剝送響遲。謂是圖宜取。若靄屬車隨。粉本為指授。幘端題以詩。逮今成舊蹟。寶笈藏石渠。六霏仍踐盟。旋融春光照。數間精舍中。月戶親憑窺。千林復萬嶽。色相難為辭。

傳語示其弟。堅願踪可師。乾隆丙寅秋。遇雪。

五臺道中。命張若靄寫鎮海寺小景成幅。庚午春。復於此遇雪。因命其弟若澄繼為是圖。題以記之。御筆鈐寶二。得佳趣。乾隆宸翰。附臣工和

# 章

名山如名人。觀面初不奇。遇事一吐露。妙緒時紛披。苟非值真賞。曷足語於茲。清涼古勝地。靈蹟釋典垂。

宸躋今再至。歲二月維時。一望靈鷲峯。同雲繚繞之。剎來散六花。到眼光陸離。中巖揭寶坊。佳景要聚斯。瓊園森瑤林。不著纖塵縵。恍惚去

年秋。大纓興安陸。山祇默效靈。素花開翠蕤。灑道鋪玉屑。迎

餐不違遲。曼殊亦神通。天然合掌隨。宜用作公案。應藉供

新詩。侍臣擅能事。染翰臨清渠。奉詔繼難兄。肯數河陽熙。信手拈不盡。凡筆那許窮。畫禪參指要。名理窮言辭。得游戲三昧。稽首入天師。臣汪由敦恭和。鈴印二。臣由敦。惜分陰。

山行轉深曲。物色呈靈奇。清光發勝六。萬狀縱橫披。精蘆石罅間。選勝當在茲。樹杪辨畧約。亘如匹練垂。拾級瞻空王。梵唄聞三時。禪海及香海。云此足鎮之。願惟法眼藏。利義交支離。天懷得真契。妙諦實取斯。遠取而近取。厥判在素縞。身在廬山中。未暇周四陸。不知曉在目。障翳空紛綸。因之宅儒宗。箭筈鋒應遲。寶繪記當年。連寫神亦隨。以是因緣故。更

寫無聲詩。匪用畫真幻。觸景資軒渠。傳宣試  
發墨。其體帶與熙。以此證大題。色天庸可窺。  
十指無並蒂。活句參微辭。倘能會  
聖言。萬物皆堪師。臣劉綸恭和。鈐印。臣。綸。

巡來。佛地。大塊文章奇。駢羅到馬首。濃淡皆堪

披。梵宇傑分列。鎮海遙在茲。入道固有門。臺  
懷此外垂。比值春雪皓。積素萬峯時。天室有  
意乎。乃為點綴之。紅牆乍隱見。翠柏還迷離。  
恍疑七寶裝。不藉吳剛斯。一片妙明心。纖塵

六乘。兩度來。停馭山之陲。天苑如有約。應候

銜。臣兄昔侍從。奉

命脫紫綬。淋漓快發墨。氣到筆已隨。圖成邀

睿賞。澹翰親題詩。臣今亦承

詔。舍毫臨墨渠。低徊念往事。風景當春熙。自慙脫

力弱。粉本殊難窺。囊括盡衆妙。都入  
琳琅辭。即象以見道。  
聖人百世師。臣張若澄恭和鈐寶云。臣澄。

鑒藏寶璽

八里  
舍

錢載畫喬松水仙 一軸

本幅仿宣紙本。縱五尺八寸。橫二尺四寸六分。水墨畫松下水仙。靈芝叢生。款臣錢載恭畫。鈐印二。臣載。

鑒藏寶璽

八璽  
金

陳孝泳

御製永嬉賦

二冊

本幅宣紙本二冊每冊十二幅縱二寸四分  
橫三寸上冊古篆下冊小篆書

御製永嬉賦

見

乾清宮所藏沈源畫  
御製永嬉賦圖軸

款陳孝泳

恭篆

鑒藏寶璽

八璽  
金



董誥畫秋英益壽 一卷

本幅宣紙本。縱一尺。橫八尺八寸。設色畫各種洋菊。款秋英益壽。八分臣董誥恭畫。鈐印

二臣誥

鑒藏寶璽

八璽

汪承霈畫

御製庭梅四聲詩意

一卷

本幅宣紙本。縱一尺一寸五分。橫一丈二尺四寸。設色畫雨。月。風。雪。梅花四段。恭錄

御製庭梅四聲四首。有序

北地無梅有之亦盆植耳。十數年前。命於靜怡軒庭中植梅二株。冬時設旃棚護之。今已成樹。加之好雨頻霑。放英特盛。茲以有事藉田。還宮

齋宿。撫眄庭芳。方辭韻於廉纖煙靄間。不啻鄧尉孤山。泛光風而對香雪矣。爰仿襲美四聲體。得詩四首。以極梅之能事。非徒矜摘藻之工云耳。

平聲

宮梅真宮梅。雙株榮庭前。今春誠

欣逢。時霖頻輕湔。冰心芬溟濛。珠嘖輝螭蛸。憑

軒觀芳華。常疑籠非煙。

右雨梅

平上聲

春宵

於何佳。動影有種種。新蟾延徘徊。古本豈擁腫。舒芭臨瑤階。啓蕊貌野壠。虛無輕盈間。那可以

手捧

右月梅

平去聲

吹開還須風搖颺送秀

韻香從叢中來。籟自竅際聞。朝妍披繁英。暮度

逴淡暈。誠如云雌雄。向宋對致問。

右風梅

平入

聲。冬時雖無花。不得或缺說。檀棚緣禁寒。玉

城適積雪。融香心先期。挹潔骨欲徹。孫康還觀

書。隔壁獨懽悅。

右雪梅

臣汪承霈敬書恭繪鈐

印二。臣汪承霈恭繪

鑑藏寶璽

八璽

五福五代堂古稀天子寶八徵耄

念之寶。

汪承霈畫萬年花甲

一卷

本幅宣紙本。縱一尺一寸五分。橫一丈九尺二寸。設色畫盆中花卉。自識。臣聞太古以草木紀歲。其閏則占桐。至於神符靈奏。叶契乾坤。乃有蓂莢合朔。稱為上瑞。月令所載。如桐華桃華菊華之類。皆以驗氣候。而唐代重修月令。則牡丹芍藥之屬。亦併詳書。蓋發生之盛德。見於草木。而花尤草木之精英。故可以

占地氣測天行也。梁元帝纂要載花信之風。凡二十有四。今其書不傳。僅見楊慎丹鉛錄所引王遠齋海集所列花信二十四。與元帝較異。其紀時則無殊焉。我

皇上德符鴻造。

澤溥羣生。含識之倫。咸躋仁壽。非竹帛所能縷載。歌頌所能罄陳。而庶草蕃廡。桐生茂豫。亦休微之一事。化育之一端。今

六蒞南邦春祺普

錫。白叟黃童。罔不翹首。

翠華祝

聖人萬萬壽。臣以樗質。世受

洪恩。以供職京師。不獲偕吳趨。臣民迎

鑾道左。謹圖繪花卉二十四盞。合為一卷。同江鄉

父老。申芹曝之獻。謹案歲陽首甲。甲為木行。

取茅甲滋生之義。故十干十二支相重。皆以



六甲為綱。謂之花甲。貞元遞運。周而復始。皆六甲循環而不窮。因敬題曰。

萬年花甲。用昭茂對之隆。併效祝

釐之盛。以竭愚忱於萬一焉。臣汪承霈拜手稽首

恭識。鈐印二。臣汪承霈恭繪。

鑒藏寶璽

八璽  
全